

玄覽堂叢書續集

第一〇二冊

文獻題辭彙編 卷一百一十五

海國廣記


三佛齊國

疆里

三佛齊國古于陀利也番名淳林邦今為舊巷宣慰司在占城之南相距五日程居東南海中本南蠻別種或曰居真臘爪哇之間其國東至爪哇國西至滿刺加南至大山北至大海

爪哇國至三佛齊路程

明吳人慎懋賞輯



自瓜哇起程順風八晝夜可至其國自淡港入鼓家
門裏繫船岸多碇用小船入港至其國累甍為城多
廣東漳泉人流寓地方不廣水多地少頭目之家皆
在岸上造屋居住其餘民庶於木筏上蓋屋而居覆
以椰葉用木椿拴繫水長則筏浮或欲別居起椿去
之不勞財力港中朝暮二次暗長潮水今為瓜哇所
轄有十五州又有旁近屬國日單馬令凌牙斯蓬豐登
牙儂細蘭○凡往三佛齊法當南行貳日即轉而東
否則值焦土船必糜碎

三佛齊國統

國主號詹卑相傳其王為龍精不火食食則大荒不
水浴浴則大潦惟食沙糊浴簫薇露而已有百寶冠
甚重惟王能戴之傳禪則集諸子能勝者嗣位其人
多蒲姓梁天監元年入貢唐天祐初復貢宋淳化二
年遣使蒲押陀黎來貢熙寧十年遣保順慕化大將
軍以金蓮花貯珍珠龍腦來獻本朝洪武初其國王
怛麻沙那阿者稱臣入貢二年遣行人趙述使其國四年
述還國王馬哈刺札八刺卜遣使玉的力馬罕亦里麻
思奉金字表文隨述賀即位賜大統曆并文綺六年
遣使貢方物八年朝使招諭拂菻國歸歷其地遣使

隨入貢九斗國主率嗣子麻那者巫里表乞紹封請
印遣使齎詔冊封賜駝鈕鍍金銀印十年詔賜王及使
綵段靴襪其後瓜哇併三佛齊國廢其地有舊港商
舶所聚瓜哇置小酋以司市易南海商人梁道明聚
衆自立為酋長永樂三年遣行人譚勝受招之五年
中使鄭和往西洋還舶舊港海賊陳祖義者廣東人
脫罪居舊港得為三齊將領橫掠過客至是因鄭和
招詐降潛謀邀劫有施進卿者祖義鄉人也報和和
整兵擒祖義誅其黨即與進卿冠帶留舊港為將領

祖義械送京師斬於市是年舊港酋長施進卿遣婿
丘彥誠入貢詔設舊港宣慰使司命進卿為宣慰使
賜印誥冠帶文綺二十一年進卿子濟孫復遣彥誠
奏父卒請封并言印為火所毀請復給命濟孫襲宣
慰使賜冠帶織金文綺襲衣銀印中使鄭和齎往賜
之又聞傳位于女施二姐

三佛齊制度

其國在海中扼諸番舟車往來之咽喉商旅過不入
輒出船合戰故諸國之商船輻湊民習水陸戰臨敵

敢死服藥兵刃不能傷擊手兵隨時徵發立酋長統率
之自備兵糧平時亦不輸徵稅凡文字用梵書其王
指環為印亦有中國文字上表章用焉

三佛齊風俗

四時之氣多熱少寒冬無霜雪土沃倍於他壤古云一年種穀三
年生金言其米穀盛而多貿金也福建廣東寓居者衆民皆
富饒俗囂好淫男女椎髻穿青綿布衫用香油塗身
其互市用金銀并錢布婚喪語言與爪哇大同小異
亦知賭戲錢物如閩鷄奕棋把問貨用燒珠青白磁

器銅鼎布絹色段大小磁甕之類

三佛齊物產

稻

萬歲棗木香樹類絲瓜冬取根晒乾 扁桃 婆律

香

薰陸香

蘆薈草屬狀如蠶尾採之以玉器搗

研成膏名曰蘆薈

梔子花色淺紫香清越土人曝

乾藏瑠璃瓶中

沒石子樹如樟開花結實如中國

茅栗

蘇合油以濃而無滓者為上

阿魏樹不甚

高土人納竹筒於樹稍脂滿其中冬月破筒取脂即

阿魏也或曰其脂最毒人不敢近每採時繫羊樹下
自遠射之脂之毒著于羊羊斃即為魏 沒藥樹高
大如松皮厚一二寸採時掘樹下為坎用斧伐其皮
暗流于坎旬餘取之 血竭樹畧同沒藥採亦如之
金銀香如銀匠攪糖相似中有白蠟一般白塊在
內白多者高黑多者低其氣味甚烈能觸人鼻 安
息香其樹脂形色類核桃穰不宜于燒然能發衆香
故人取以和香 龍腦香 檀香 烏楠木單馬令
國出樹似土櫨可為器 沉香 乳香樹如榕以刀
斫之液流於外凝結而成其名品有滴乳餅

乳袋者黑榻纏末等類 薔薇水即薔薇花上露其
偏者取其花浸水以代露用瑠璃餅試之翻搖四五
次其泡周上下者為真

牛 羊 猪 犬 犀牛 象 脰 脰 獸形如狐

脚高如犬走如飛取其腎以漬油名曰脰 脰 脰 神
鹿大如巨豕高可三尺短毛豕嘴前黑後白蹄如猪
蹄脚有三跖止食草木不食葷

鷄 鶴頂鳥大如鴨黑毛長頭尖嘴頂有軟紅冠腦
骨厚寸餘外紅色內黃如蠟堪作腰帶 火鷄其大

如鶴頸足亦似有軟紅冠毛如青羊銳嘴利爪傷人
腹輒斃好食火炭用棍擊之不死

鴨 ○崑崙奴能踏曲為樂

貓睛石細蘭國出瑩潔明透如貓眼睛 珊瑚 水

晶珠 瑠璃

三佛齊國貢物

火雞 ○五色鸚鵡 ○孔雀 ○龜筒 ○黑熊 ○白獺 ○
諸香 ○米腦 ○苾布 ○毘羅綿被 ○肉豆蔻 ○番油
子 ○胡椒

御製頒賜三佛齊國詔

洪武九年賜三佛齊國王麻那者巫里詔

詔曰朕自混一區宇常遣使招諭諸番爾三佛齊國王即稱臣入貢於茲有年今秋使者賫表至知王薨逝爾麻那者巫里以嫡子當嗣王位不敢擅立請奉於朝可謂賢矣朕嘉其誠是用遣使賜以三佛齊國王之印爾當善撫邦民永為多福

給賜三佛齊國

洪武四年賜國王大統曆及綵段紗羅使臣紗羅綵
段有差六年賜國王綵段紗羅二十四疋正使三人
各二疋衣一套副使二人各一疋通事以下布帛有
差十年給王及使臣織金綵段紗羅靴襪等物有差

三佛齊戲具

以木為骰子六面

骰子曰胡纏

么曰薩 二曰

塗打

三曰帝伽

四曰暗

五曰

班澤

六曰喃

龍牙門國

其處在三佛齊西北山門相對若龍牙狀中通船過
山田瘠米穀甚薄氣候常暑四五月淫雨男女椎髻
穿短衫圍梢布據掠為豪遇番舶則以小舟百數迎
敵若順風倂倖而脫否則被其劫殺舟客于此防之
永樂七年寶船至其國

東西竺

其山與龍牙門相望海洋中山形分對嵯峨若蓬萊
萬丈之間氣候不齊田瘠不宜稼穡歲藉諸邦淡洋
米穀以食男女斷髮繫梢布煮海為鹽釀椰子為酒
貨用花錫胡椒鐵器之屬地產檳榔木綿布蕉心簾
土人取椰心嫩者織而成簾寢之冬暖夏涼永樂七
年寶船至其國

廣記

真臘國疆里

明吳人慎懋賞輯

真臘一曰占臘曰吉蔑其國自稱甘孛智西番經曰
澈浦只蓋甘孛智遺音也在東海濱其地東至海西
至蒲甘西南至暹羅十五日南至加囉希及番禺十
日東北抵占城驩州十五日延袤七千里

浙江温州至真臘路程

自温州開洋行丁未針歷閩廣海外諸港口過七州